



საქართველოს იუსტიციის სამინისტრო საჯარო რეესტრის ეროვნული სააგენტო



KA011710688796323

მისამართი: თბილისი 0114 ვახტანგ გორგასლის N22; www.napr.gov.ge;

ცხელი ხაზი: 2 405 405

88645

28 / აპრილი / 2023 წ.

გიორგი ჯიქურაშვილს
(პირადი ნომერი; 01024036100)
საქართველო, ქალაქი თბილისი, იური
გაგარინის ქუჩა, N 14-16, კორპუსი 2, ბინა 10

ბატონო გიორგი,

საჯარო რეესტრის ეროვნულ სააგენტოში წარმოდგენილი 2023 წლის 28 აპრილის N106315/17 განცხადების შესაბამისად, დანართის სახით გეგზავნებათ მოთხოვნილი დოკუმენტ(ებ)ის ასლ(ებ)ი.

დოკუმენტის ნამდვილობის გადამოწმება შესაძლებელია ელექტრონული ფორმით წერილზე დატანილი 15-ნიშნა ნომრით, საჯარო რეესტრის ეროვნული სააგენტოს ოფიციალურ ვებგვერდზე www.napr.gov.ge ელექტრონული კანცელარიის მეშვეობით.

დანართი: 12 გვერდი.

ხელმოწერა/შტამპი
ელექტრონულად



დამტკიცებულია შპს „ესარჯი რიალ ისთეით“-ის (საიდენტიფიკაციო კოდი 404535240)

პარტნიორობა 2022 წლის 17 ნოემბრის გადაწყვეტილებით

შეზღუდული პასუხისმგებლობის საზოგადოება
„ესარჯი რიალ ისთეით“

წ ე ს დ ე ბ ა

თბილისი

2022

მუხლი 1. ზოგადი დებულებები

1. შეზღუდული პასუხისმგებლობის საზოგადოება „ესარჯი რიალ ისთეით“ („შპს“) (შემდგომში მოიხსენიება როგორც - „საზოგადოება“ ან „ესარჯი რიალ ისთეით“) არის „მენარმეთა შესახებ“ საქართველოს კანონის შესაბამისად შექმნილი სამენარმეო საზოგადოება (იურიდიული პირი), რომლის კაპიტალი დაყოფილია წილებად, ხოლო ამ საზოგადოების ვალდებულებებისთვის პარტნიორების პასუხისმგებლობა შეზღუდულია.
2. საზოგადოება წარმოშობილად ითვლება და იურიდიული პირის სტატუსს იძენს მენარმეთა და არასამენარმეო (არაკომერციული) იურიდიული პირების რეესტრში რეგისტრაციის მომენტიდან.
3. საზოგადოების სამართლებრივი სტატუსი განისაზღვრება საქართველოს კანონმდებლობით და ამ წესდებით. საკითხები, რომლებიც არ არის მოწესრიგებული ამ წესდებით, რეგულირდება მოქმედი კანონმდებლობით.
4. ეს წესდება წარმოადგენს პარტნიორთა შორის დადებული სადამფუძნებლო შეთანხმების ნაწილს, რომელიც გამოხატავს მათ ურთიერთთანხმედრ ნებას და იგი სავალდებულო ძალის მქონეა პარტნიორებისთვის. წესდებით განსაზღვრული ნორმები სავალდებულოა არა მხოლოდ მენარმე სუბიექტის იმ დამფუძნებელთათვის, რომლებიც მენარმე სუბიექტის დაფუძნების მომენტისთვის წარმოადგენენ პარტნიორებს, არამედ იმისთვისაც, ვინც მომავალში გახდება ამ სუბიექტის პარტნიორი.
5. პარტნიორთა შეთანხმება ემყარება პარტნიორთა კეთილსინდისიერების, ურთიერთპატივისცემის, გადაწყვეტილების მართლზომიერად და გულისხმიერებით მიღების ზოგად პრინციპებს. პარტნიორთა მიერ დაცულია მოქმედი კანონმდებლობით განსაზღვრული სამენარმეო საქმიანობის ძირითადი პრინციპები.
6. საზოგადოების შექმნის მიზანია მართლზომიერი, არაერთგვარადი და დამოუკიდებელი სამენარმეო საქმიანობის საფუძველზე მოგების მიღება. საზოგადოებას უფლება აქვს მოგების მიღების მიზნით განახორციელოს კანონით აუკრძალავი ნებისმიერი სამენარმეო საქმიანობა. ის საქმიანობა, რომლის განხორციელებაც კანონმდებლობით შესაძლებელია მხოლოდ სპეციალური ლიცენზიის/ნებართვის/ავტორიზაციის საფუძველზე, დასაშვებია მხოლოდ შესაბამისი ლიცენზიის/ნებართვის მიღების ან/და ავტორიზაციის მომენტიდან.
7. საზოგადოება თავისი მიზნების მისაღწევად ფლობს ქონებას, იძენს ქონებრივ და პირად არაქონებრივ უფლებებს და კისრულობს ვალდებულებებს, ასევე შეუძლია თავისი სახელით გამოვიდეს სამართლებრივ ურთიერთობებში, კანონის ფარგლებში თავისუფლად დადოს გარიგებები როგორც საქართველოში, ისე მის ფარგლებს გარეთ, განსაზღვროს ამ ხელშეკრულების შინაარსი, დადოს ისეთი ხელშეკრულებები, რომლებიც კანონით არ არის გათვალისწინებული, მაგრამ არ ეწინააღმდეგება მას, ასევე შეიძინოს ქონებრივი და არაქონებრივი უფლებები და იკისროს მოვალეობები, იყოს მოსარჩელე ან/და მოპასუხე სასამართლოში.
8. საზოგადოების პასუხისმგებლობა კრედიტორების წინაშე შემოიფარგლება მთელი მისი ქონებით, რაც იმას ნიშნავს, რომ საზოგადოების ვალდებულებებისთვის საზოგადოების პარტნიორები და ხელმძღვანელები პასუხს არ აგებენ. საზოგადოება პასუხს არ აგებს პარტნიორთა ვალდებულებებისთვის.
9. საზოგადოება თავის საქმიანობაში დამოუკიდებელია. იგი თავად იღებს გადაწყვეტილებას მისთვის მნიშვნელოვან საკითხზე. საზოგადოება შედგება შესაბამისი ორგანოებისაგან, რომლებიც უზრუნველყოფენ მის მართვასა და წარმომადგენლობას. საზოგადოების მართვის ორგანოები და მათი უფლებამოსილებები განსაზღვრულია სადამფუძნებლო შეთანხმებით. ამასთან, აღნიშნული ორგანოები საქმიანობას ახორციელებენ მხოლოდ მათთვის მინიჭებული უფლებამოსილების ფარგლებში.
10. საზოგადოებას აქვს დამოუკიდებელი ბალანსი, ასევე, საზოგადოებას შეიძლება ჰქონდეს ანგარიში საქართველოში ან უცხოეთის ქვეყნების საბანკო დაწესებულებებში, ელექტრონული შტამში ან ბეჭედი, ბლანკი და ემბლემა. საზოგადოებას უფლება აქვს გახსნას შესაბამისი ანგარიშები ნებისმიერ ბანკში, როგორც ეროვნულ, ისე უცხოურ ვალუტაში.
11. საზოგადოებას უფლება აქვს, დადგენილი წესის მიხედვით, გახსნას თავისი საწარმოები, ფილიალები და წარმომადგენლობები როგორც საქართველოს ტერიტორიაზე, ისე მის ფარგლებს გარეთ, ასევე მონაწილეობა მიიღოს სხვა ორგანიზაციების და წარმოებების შექმნაში. საზოგადოება უფლებამოსილია გაერთიანდეს სხვადასხვა სახის გაერთიანებებში.

მუხლი 2. პარტნიორები და მათი უფლება-მოვალეობები და პარტნიორის გასვლა საზოგადოებიდან.

1. საზოგადოების პარტნიორი არის პირი, რომელიც საზოგადოების წილის მესაკუთრეა. საზოგადოების პარტნიორი შეიძლება იყოს როგორც ფიზიკური, ისე იურიდიული პირი, აგრეთვე იურიდიული პირის სტატუსის არმქონე, რეგისტრირებული, დამოუკიდებელი ორგანიზაციული წარმონაქმნი, რომელსაც შეუძლია საკუთარი სახელით შეიძინოს უფლებები და აიღოს ვალდებულებები.
2. პარტნიორმა, თავისი უფლებებით სარგებლობისას, მხედველობაში უნდა მიიღოს საზოგადოებისა და დანარჩენ პარტნიორთა კანონიერი ინტერესები და უფლებები. საზოგადოების პარტნიორი საზოგადოების ვალდებულებისთვის კრედიტორის წინაშე პასუხს არ აგებს გარდა საქართველოს კანონმდებლობით დადგენილი შემთხვევებისა.
3. პარტნიორს შეუძლია განკარგოს და გადასცეს (გაასხვისოს ან უფლებრივად დატვირთოს) თავისი წილი საზოგადოების პარტნიორთა თანხმობის საფუძველზე. ამასთან, წილის ელექტრონული ფორმით განკარგვაზე/წილზე საკუთრების უფლების შეძენაზე ვრცელდება შესაბამისი კანონმდებლობით განსაზღვრული წესები/შემზღუდვები (ასეთის არსებობის შემთხვევაში).
4. წილის გადაცემის შესახებ შეთანხმება წერილობით უნდა გაფორმდეს. პარტნიორი ვალდებულია წილის გადაცემის შესახებ შეთანხმების გაფორმებისთანავე აცნობოს ამის თაობაზე საზოგადოებას.
5. წილის გასხვისების მომენტში გასხვისებულ წილთან დაკავშირებული შეუსრულებელი ვალდებულებებისთვის საზოგადოების წინაშე სოლიდარულად აგებენ პასუხს წილის გამსხვისებელი და წილის შემძენი პარტნიორები.
6. პარტნიორებს უფლება აქვთ მონაწილეობა მიიღონ საზოგადოების მართვაში ამ წესდებითა და მოქმედი კანონმდებლობით განსაზღვრული წესებისა და პროცედურების შესაბამისად.
7. პარტნიორთა წილები განისაზღვრება მათი შენატანის პროპორციულად.
8. პარტნიორებს უფლება აქვთ შეიტანონ სარჩელი თავისი სახელით და საზოგადოების სასარგებლოდ საზოგადოების კუთვნილი მოთხოვნის განსახორციელებლად, კანონმდებლობით დადგენილი წესით.
9. პარტნიორს, საზოგადოების მოგების/ქონების განაწილების შესახებ მიღებული გადაწყვეტილების საფუძველზე, უფლება აქვს მიიღოს წლიური ან შუალედური დივიდენდი. დივიდენდი დგინდება საზოგადოების პარტნიორთა წილის პროპორციულად.
10. დაუშვებელია გაცემული დივიდენდის უკან მოთხოვნა, გარდა კანონმდებლობით დადგენილი შემთხვევებისა. საზოგადოებას უფლება არ აქვს გასცეს დივიდენდი, თუ ეს საზოგადოების გადახდისუნარიანობას გამოიწვევს.

11. პარტნიორის საზოგადოებიდან გასვლა:

- ა) პარტნიორს უფლება აქვს, გავიღოს საზოგადოებიდან წესდებით (ქვემოთ) გათვალისწინებულ შემთხვევებში ან იმ შემთხვევაში, თუ საზოგადოების ხელმძღვანელობის ან სხვა პარტნიორების ქმედებები მნიშვნელოვნად აზიანებს მის ინტერესებს, ანდა თუ არსებობს ერთ-ერთი შემდეგი მნიშვნელოვანი საფუძველი/გარემოება:
- 1) საზოგადოების საქმიანობის საგანი მნიშვნელოვნად შეიცვალა;
 - 2) საზოგადოებას დივიდენდი ბოლო 3 წლის განმავლობაში არ გაუნაწილებია, მიუხედავად იმისა, რომ საზოგადოების ფინანსური მდგომარეობა ამის საშუალებას იძლეოდა;
 - 3) საზოგადოებამ მიერ იმ გადაწყვეტილების მიღება, რომელიც ეხება წილების რომელიმე კლასთან დაკავშირებული უფლების ცვლილებას (მათ შორის, უფლების განხორციელების ან ვალდებულების შესრულების პროცედურის ცვლილებას);
 - 4) სხვა პარტნიორებმა მიიღეს გადაწყვეტილება დამატებითი შენატანის განხორციელების ვალდებულების შესახებ, რომელიც მასზედაც ვრცელდება.
 - 5) საერთო კრების მიერ განსაზღვრულ შემთხვევებში.

მუხლი 3. პარტნიორის მიერ ინფორმაციის მიღებისა და დოკუმენტაციის გაცნობის უფლება

1. ღირექტორი ვალდებულია ნებისმიერ პარტნიორს მოთხოვნისთანავე, გონივრულ ვადაში მიაწოდოს ინფორმაცია საზოგადოების საქმიანობის შესახებ და მისცეს საზოგადოების საქმიანი დოკუმენტაციის გაცნობის საშუალება.

2. ინფორმაციის გაცემაზე უარი დასაშვებია მხოლოდ საზოგადოების არსებითი ინტერესების ხელყოფის რისკისგან დაცვის მიზნით, რაც წერილობით უნდა იქნეს დასაბუთებული. ინფორმაციის გაცემაზე უარი ასევე დასაშვებია, თუ მოთხოვნილი ინფორმაცია საჯაროდ ხელმისაწვდომია.

მუხლი 4. შენატანი

1. შენატანი არის საზოგადოებისთვის საკუთრებაში გადაცემული ქონება, რომლის ეკონომიკური ღირებულება აისახება საზოგადოების ბალანსში.
2. საზოგადოების კაპიტალში შენატანის შეტანის განხორციელების ვალდებულება შეიძლება შესრულდეს ფულის გადახდით (ფულადი შენატანი) ან სხვა მატერიალური ან არამატერიალური ქონებრივი სიკეთის გადაცემით (არაფულადი შენატანი). სამუშაოს შესრულება ან მომსახურების გაწევა შეიძლება იყოს არაფულადი შენატანის საგანი.
3. ფულადი შენატანი განხორციელებულად მიიჩნევა ფულის/თანხის საზოგადოების მიერ გახსნილ საბანკო ანგარიშზე ჩარიცხვის მომენტიდან.
4. არაფულადი შენატანი განხორციელებულად მიიჩნევა საკუთრების უფლების გადაცემისთვის საქართველოს კანონმდებლობით დადგენილი საჭირო მოქმედებების შესრულების მომენტიდან.
5. თუ არაფულადი შენატანის ღირებულება, მისი განხორციელების დროს, ნაკლებია შეთანხმებული შენატანის ოდენობაზე, პარტნიორი ვალდებულია შეთანხმებული შენატანის ღირებულება შეავსოს ფულადი სახით.
6. არაფულადი შენატანის ღირებულება მისი განხორციელების დროს აღემატება შეთანხმებული შენატანის ოდენობას, პარტნიორი უფლებამოსილია მოითხოვოს სხვაობის ფულადი სახით დაბრუნება, ხოლო საზოგადოება უფლებამოსილია ამ ვალდებულების შესრულება გადაავადოს არაუმეტეს 1 წლით.
7. პარტნიორის მოთხოვნისას ღირეფქტორმა უნდა გასცეს წერილობითი ცნობა შენატანის განხორციელების ვალდებულების, მისი შესრულების ან ნაწილობრივი შესრულების, ასევე შესრულების ვადებისა და პირობების შესახებ.
8. შენატანის განხორციელების ცნობის ბრალეულ უზუსტობაზე პასუხისმგებლობა ეკისრება ხელმძღვანელობაზე უფლებამოსილ პირს, ღირეფქტორს.
9. დაუშვებელია პარტნიორის გათავისუფლება შენატანის შეტანის ვალდებულებისაგან, გარდა კანონით გათვალისწინებული შემთხვევისა.
10. შენატანი უნდა შესრულდეს პარტნიორთა მიერ შეთანხმებული წესითა და ვადებში.

მუხლი 5. კაპიტალი

1. საზოგადოებას აქვს განთავსებული კაპიტალი.
2. საზოგადოების განთავსებული კაპიტალი გამოისახება ეროვნულ ვალუტაში.
3. განთავსებული კაპიტალის თავდაპირველი ოდენობა განისაზღვრება სადამფუძნებლო შეთანხმებით. გადაწყვეტილება განთავსებული კაპიტალის ოდენობის ცვლილების შესახებ მიიღება პარტნიორების მიერ.

მუხლი 6. საზოგადოების მმართველი ორგანოები

1. საზოგადოების ორგანოებია: საერთო კრება, სამეთვალყურეო საბჭო და ღირეფქტორი.
2. საზოგადოების ორგანოები და მათი წევრები ახორციელებენ საქმიანობას და იღებენ გადაწყვეტილებებს მხოლოდ კანონით ან/და ამ წესდებით დადგენილი კომპეტენციის ფარგლებში.

მუხლი 7. საერთო კრება

1. საზოგადოება, სულ მცირე, წელიწადში ერთხელ, წლიური ბალანსის შედგენიდან არაუგვიანეს 6 თვისა ატარებს მორიგ საერთო კრებას. მორიგ საერთო კრებას იწვევს და მისი ჩატარებისთვის პასუხისმგებელია დირექტორი. კრება გადაწყვეტილებაუნარიანია თუ მას ესწრება/ესწრებიან ხმების უმრავლესობის მქონე პარტნიორი/პარტნიორები.
2. საერთო კრება ტარდება დირექტორის მიერ საერთო კრების მოწვევის შესახებ შეტყობინების ელექტრონული პორტალის სუბიექტის ავტორიზებული მომხმარებლის გვერდზე (ელექტრონულ მისამართზე) საჯაროდ გამოქვეყნებიდან და პარტნიორებისთვის მოსაწვევების გაგზავნიდან სულ ცოტა 14 დღის შემდეგ. საერთო კრების ჩატარების ადგილი და დრო გაუმართლებლად არ უნდა ზღუდავდეს პარტნიორის საერთო კრებაში მონაწილეობის უფლებას. საერთო კრების მოწვევის შესახებ შეტყობინება/მოსაწვევი უნდა შეიცავდეს საერთო კრების დღის წესრიგს. საერთო კრების მოწვევის შესახებ შეტყობინების ელექტრონული პორტალის სუბიექტის ავტორიზებული მომხმარებლის გვერდზე (ელექტრონულ მისამართზე) საჯაროდ გამოქვეყნებიდან 7 დღის შემდეგ, პარტნიორისთვის კრების მოწვევის შესახებ შეტყობინება ჩაბარებულად ითვლება, გარდა იმ შემთხვევისა, როდესაც პარტნიორი დაამტკიცებს, რომ სხვა პარტნიორისთვის კრების მოწვევის თაობაზე უფრო ადრე იყო ცნობილი.
3. პარტნიორს უფლება აქვს დირექტორს მოსთხოვოს საერთო კრების დღის წესრიგის თითოეული საკითხის თაობაზე განმარტებების გაცემა და წარადგინოს თავისი მოთხოვნა/აზრი. თუ პარტნიორის მოთხოვნა საერთო კრებამდე სულ ცოტა 3 დღით ადრე წერილობით იქნება წარდგენილი, იგი უნდა დაკმაყოფილდეს ან შეტანილი უნდა იქნეს დღის წესრიგში ერთ-ერთ საკითხად. პარტნიორს შეუძლია ამავე წესით მოითხოვოს დღის წესრიგში საკითხის შეტანა/დამატება. საერთო კრების დღის წესრიგის საკითხის თაობაზე განმარტებების გაცემაზე ან დღის წესრიგში საკითხის შეტანის მოთხოვნაზე უარის თქმა დასაშვებია მხოლოდ საზოგადოების არსებითი ინტერესების დასაცავად, რაც წერილობით უნდა იქნეს დასაბუთებული.
4. პარტნიორთა რიგგარეშე კრების მოწვევის უფლება აქვს დირექტორს, ხოლო მისი არყოფნის შემთხვევაში (გარდაცვალება, თანამდებობიდან გადადგომა, მათი უფლებამოსილების სხვაგვარად შეწყვეტა და სხვა) – პარტნიორს/პარტნიორებს, რომელიც/რომლებიც ფლობს/ფლობენ საზოგადოების წილების ან ხმის უფლების მქონე წილების, სულ მცირე, 5 პროცენტს.
5. პარტნიორს/პარტნიორებს, რომელიც/რომლებიც ფლობს/ფლობენ საზოგადოების წილების ან ხმის უფლების მქონე წილების, სულ მცირე, 5 პროცენტს (ინიციატორი პარტნიორი/პარტნიორები), უფლება აქვს/აქვთ წესდების შესაბამისად კრების მოწვევის უფლებამოსილების მქონე ორგანოს მოსთხოვოს/მოსთხოვონ პარტნიორთა რიგგარეშე კრების მოწვევა. პარტნიორთა რიგგარეშე კრების მოწვევის მოთხოვნის უფლება წარმოიშობა ბოლო საერთო კრების ჩატარებიდან არაუადრეს 1 თვისა.
6. პარტნიორთა რიგგარეშე კრების მოწვევის შესახებ ინიციატორი პარტნიორის/პარტნიორების მოთხოვნა წერილობით უნდა იქნეს წარდგენილი და უნდა შეიცავდეს მისი დღის წესრიგის საკითხებს. ამ საკითხების შინაარსი უნდა შეესაბამებოდეს საქართველოს კანონმდებლობას, საზოგადოების მიზნებსა და საქმიანობის ხასიათს. დირექტრი ვალდებულია აღნიშნული მოთხოვნის მიღებიდან არაუგვიანეს 3 თვისა ჩაატაროს პარტნიორთა რიგგარეშე კრება.
7. თუ პარტნიორთა რიგგარეშე კრების მოწვევის შესახებ ინიციატორი პარტნიორის/პარტნიორების მოთხოვნის წარდგენიდან 20 დღის ვადაში ის არ მოიწვევა, ინიციატორ პარტნიორს/პარტნიორებს უფლება აქვს/აქვთ თავად მოიწვიოს/მოიწვიონ რიგგარეშე კრება, დაამტკიცოს/დაამტკიცონ მისი დღის წესრიგი და აირჩიოს/აირჩიონ რიგგარეშე კრების თავმჯდომარე „მენარმეთა შესახებ“ საქართველოს კანონით დადგენილი წესით. პარტნიორთა რიგგარეშე კრება გადაწყვეტილებაუნარიანია, თუ მას ესწრებიან საზოგადოების ხმების უმრავლესობის მფლობელი პარტნიორები.
8. პარტნიორთა რიგგარეშე კრება მოიწვევა და ტარდება საერთო კრებისთვის „მენარმეთა შესახებ“ საქართველოს კანონით და ამ წესდებით დადგენილი წესების დაცვით.
9. საერთო კრება ირჩევს საერთო კრების თავმჯდომარეს. საერთო კრების თავმჯდომარის არჩევამდე ან იმ შემთხვევაში, თუ თავმჯდომარე არ იქნა არჩეული, საერთო კრებას თავმჯდომარეობს მისი მომწვევი პირი, მომწვევი ორგანოს თავმჯდომარე ან მომწვევი იურიდიული პირის ხელმძღვანელი, ხოლო თუ მომწვევი რამდენიმე პირია – მომწვევ პირთა ან მომწვევ იურიდიულ პირთა ხელმძღვანელებისგან წილისყრით შერჩეული პირი.
10. საერთო კრების მიერ თავისი კომპეტენციის ფარგლებში მიღებული გადაწყვეტილების შესრულება სავალდებულოა საზოგადოების პარტნიორებისა და ორგანოებისთვის.

11. საერთო კრება გადაწყვეტილებას იღებს იმ საკითხზე, რომელიც კანონით და ამ წესდებით საერთო კრების უფლებამოსილებას განეკუთვნება. საერთო კრების უფლებამოსილება შეიძლება გაფართოვდეს პარტნიორთა გადაწყვეტილების საფუძველზე.
12. საერთო კრება იღებს გადაწყვეტილებას ღირექტორის მიერ განეული მუშაობის მოწონების შესახებ. მოწონება იწვევს საზოგადოების მიერ ამ ორგანოების მიმართ ზიანის ანაზღაურების მოთხოვნის უფლებაზე უარის თქმას, თუ ეს უფლება აშკარა იქნებოდა საერთო კრებისთვის წარდგენილი დოკუმენტებისა და მიწოდებული ინფორმაციის გულმოდგინედ შემოწმების შემთხვევაში.
13. საერთო კრების სათანადოდ მოწვევისა და ჩატარებისთვის პასუხისმგებელია ამ კრების მომწვევი ორგანო/პირი.
14. საერთო კრებაზე შეიძლება მოწვეულ იქნენ აგრეთვე საზოგადოების ხელმძღვანელი და სხვა პირები.
15. საზოგადოების პარტნიორის მიერ ხმის მიცემისა და პარტნიორთა გადაწყვეტილების მიღებაში მონაწილეობის წესები და პირობები დგინდება ამ წესდებითა და „მენარმეთა შესახებ“ საქართველოს კანონით. საერთო კრების მოწვევის შესახებ პარტნიორებისთვის გაგზავნილ დოკუმენტში ან პარტნიორთა გადაწყვეტილების პროექტში აუცილებელია, ამ წესებსა და პირობებზე მითითება.
16. საერთო კრებაზე დამსწრე ან არმყოფი პარტნიორის მიერ ხმის ტექნიკური საშუალების გამოყენებით მიცემული ხმა მხოლოდ მაშინ იქნება გათვალისწინებული, თუ შესაძლებელია ხმის უფლების გამოყენების უფლებამოსილების მქონე პირისა და შესაბამისი წილების სარწმუნო იდენტიფიცირება. წების ელექტრონული კომუნიკაციის საშუალებით გამოვლენისას აუცილებელია, იგი დადასტურდეს ნოტარიუსის მიერ ან კვალიფიციური ელექტრონული ხელმოწერით, საქართველოს კანონმდებლობით დადგენილი წესით.
17. ხმის უფლების გამოყენების უფლებამოსილების მქონე პირისა და შესაბამისი წილების სარწმუნო იდენტიფიცირებისთვის პასუხისმგებელი არიან საერთო კრების თავმჯდომარე და ამ კრების მომწვევი ორგანო.
18. საზოგადოების პარტნიორი საერთო კრებაში პირადად ან წარმომადგენლის მეშვეობით მონაწილეობს. წარმომადგენლობითი უფლებამოსილება (მინდობილობა) გაიცემა წერილობით, ერთ ან რამდენიმე საერთო კრებაზე წარმომადგენლობის ან გარკვეული ვადის განმავლობაში წარმომადგენლობის უფლებით.
19. საერთო კრებაში პარტნიორის წარმომადგენლის მეშვეობით მონაწილეობის თაობაზე უნდა ეცნობოს საერთო კრების მომწვევ ორგანოს და მას შესაბამისი მინდობილობა ამ კრების ჩატარებამდე ან კრების დაწყებისთანავე უნდა წარედგინოს.
20. საერთო კრების მოწვევის, მიმდინარეობისა და შედეგების შესახებ ამ კრების დასრულებიდან 15 დღის ვადაში დგება ოქმი, რომელსაც ხელს აწერს საერთო კრების მიერ არჩეული საერთო კრების თავმჯდომარე. კრების ოქმის ნამდვილობასა და მასში მითითებული ფაქტების სისწორეზე პასუხისმგებელია კრების თავმჯდომარე. მხოლოდ კანონით გათვალისწინებულ შემთხვევებში, საერთო კრების ოქმს ადგენს და ამოწმებს ნოტარიუსი. საერთო კრების ოქმი დაუყოვნებლივ, საზოგადოების ხარჯზე ეგზავნება პარტნიორებს.
21. ის მონაცემები, რომელიც უნდა აღინიშნოს საერთო კრების ოქმში, რეგულირებულია „მენარმეთა შესახებ“ საქართველოს კანონით.

მუხლი 8. საერთო კრების უფლებამოსილება

1. პარტნიორთა გადაწყვეტილების მიღება აუცილებელია შემდეგ საკითხებზე:
 - ა) წლიური ანგარიშების შემოწმება და მიღება, ასევე სამეურნეო შედეგების განაწილება;
 - ბ) ღირექტორის თანამდებობაზე დანიშვნა, მასთან სასამსახურო ხელშეკრულების დადება და მისი თანამდებობიდან გათავისუფლება;
 - გ) ღირექტორის ანგარიშების დამტკიცება;
 - დ) ფინანსური ანგარიშის დამტკიცება;
 - ე) საზოგადოების ქონების პარტნიორთა შორის განაწილება;
 - ვ) საზოგადოების მიერ საკუთარ კაპიტალში წილის შეძენა;
 - ზ) წილებიდან ან წილების კლასებიდან გამომდინარე უფლებების ცვლილება;

- თ) პარტნიორის გარიცხვა საზოგადოებიდან;
 - ი) პარტნიორის გასვლა საზოგადოებიდან;
 - კ) სამეთვალყურეო საბჭოს შექმნა და გაუქმება, სამეთვალყურეო საბჭოს წევრთა დანიშვნა და განთავისუფლება;
 - ლ) დირექტორის წინააღმდეგ მიმდინარე სასამართლო პროცესში მონაწილეობა (მათ შორის, ამ პროცესისთვის წარმომადგენლის დანიშვნა);
 - მ) საზოგადოების რეორგანიზაცია;
 - ნ) საზოგადოების დაშლა;
 - ო) საზოგადოების სადამფუძნებლო შეთანხმებაში ცვლილება/წესდების ახალი რედაქციის მიღება.
- პ) საზოგადოების მიერ ქონების შეძენა/გასხვისება, რომელის ჯამური ღირებულება კალენდარულ წელში აღემატება 300,000 (სამასი ათასი) ლარს ყველა გადასახადის ჩათვლით;
- ჟ) საზოგადოების მიერ სესხის აღება და მათი უზრუნველყოფა, აგრეთვე საზოგადოების მიერ სესხის გაცემა;
- რ) თავდებობა;
 - ს) მოთხოვნის უზრუნველყოფის საშუალების გამოყენება;
 - ტ) ნებისმიერი ტიპის ხელშეკრულების გაფორმება, რომელის ღირებულება კალენდარულ წელში ჯამში აღემატება 300,000 (სამასი ათასი) ლარს;
 - ფ) სამეთვალყურეო საბჭოს მიერ გაწეული მუშაობის მონაწილის თაობაზე.
2. პარტნიორთა გადაწყვეტილების მისაღებად აუცილებელია კენჭისყრაში მონაწილეთა ხმების ნახევარზე მეტი, გარდა ამ წესდების 8.1.(8), 8.1.(მ), 8.1.(ნ) და 8.1.(ო) მუხლებით განსაზღვრული საკითხებისა. აღნიშნულ საკითხებზე გადაწყვეტილება მიიღება კენჭისყრაში მონაწილე პარტნიორთა ხმების 3/4-ის უმრავლესობით. პარტნიორის ხმების რაოდენობა გამოითვლება საზოგადოების კაპიტალში ამ პარტნიორის წილის მიხედვით.
3. საერთო კრების გადაწყვეტილება/ოქმი ნამდვილია, თუ:
- ა) საერთო კრება მოწვეულია უფლებამოსილი ორგანოს/პირის მიერ კანონმდებლობითა და ამ წესდებით დადგენილი წესით;
 - ბ) საერთო კრების ოქმი დამოწმებულია კანონმდებლობით დადგენილი წესით;
 - გ) საერთო კრების მოწვევის შესახებ ელექტრონული პორტალის სუბიექტის ავტორიზებული მომხმარებლის გვერდზე საჯაროდ გამოქვეყნებულ წერილობით შეტყობინებაში/პარტნიორებისთვის გაგზავნილ მოსაწვევეში მითითებულია საერთო კრების დღის წესრიგი, საზოგადოების საფირმო სახელწოდება, საერთო კრების ჩატარების ადგილი, თარიღი და დანების დრო;
 - დ) დასჯულია საერთო კრების ჩატარების შესახებ გადაწყვეტილების პარტნიორებისთვის შეტყობინების წესი;
 - ე) საერთო კრებაზე განსახილველი საკითხი განეკუთვნება საერთო კრების უფლებამოსილებას;
 - ვ) გადაწყვეტილება სადამფუძნებლო შეთანხმებაში ცვლილების/წესდების ახალი რედაქციის მიღების შესახებ არ ეწინააღმდეგება კანონს;
 - ზ) გადაწყვეტილება არ ეწინააღმდეგება კანონის იმ ნორმებს, რომელთა უმთავრესი მიზანია კრედიტორთა უფლებების დაცვა;
 - თ) გადაწყვეტილება არ ეწინააღმდეგება საჯარო წესრიგს ან ზნეობის ნორმებს.
4. საერთო კრების გადაწყვეტილება/ოქმი საჩივრდება სასამართლოში.
5. დირექტორი ვალდებული არის საერთო კრების გადაწყვეტილების ბათილობის თაობაზე სასამართლოს კანონიერ ძალაში შესული გადაწყვეტილება დაუყოვნებლივ წარუდგინონ მარეგისტრირებელ ორგანოს, თუ საერთო კრების გასაჩივრებული გადაწყვეტილების საფუძველზე უკვე განხორციელდა რეგისტრაცია.
6. დირექტორი ვალდებული არის საერთო კრების გადაწყვეტილების ან მისი ნაწილის ბათილობის თაობაზე სასამართლოს გადაწყვეტილების შესახებ ინფორმაცია დაუყოვნებლივ განათავსონ საზოგადოების ვებგვერდზე ან სხვაგვარად მიაწოდონ პარტნიორებს.

მუხლი 9. ხელმძღვანელი ორგანო და სამეთვალყურეო საბჭო

9.1. სამეთვალყურეო საბჭო:

1. ხელმძღვანელი ორგანოს/პირების საქმიანობის კონტროლის განხორციელების მიზნით საზოგადოებას ჰყავს სამეთვალყურეო საბჭო, რომელიც შედგება არანაკლებ 3 და არაუმეტეს 21 წევრისგან. სამეთვალყურეო საბჭოს წევრები ინიშნებიან და თავისუფლდებიან პარტნიორთა კრების მიერ.
2. სამეთვალყურეო საბჭოს ყოველ წევრს ნიშნავს პარტნიორთა კრება 3 წლის ვადით. მათი განმეორებით არჩევა შეუძლებელია. სამეთვალყურეო საბჭოს წევრს უფლებამოსილება უკრძელდება ვადის გასვლის შემდეგ მორიგი საერთო კრების მოწვევამდე. სამეთვალყურეო საბჭოს წევრების საქმიანობა შეიძლება იყოს ანაზღაურებადი. ანაზღაურების ოდენობას განსაზღვრავს პარტნიორთა საერთო კრება.
3. სამეთვალყურეო საბჭოს ყოველ წევრს შეუძლია გათავისუფლდეს დაკავებული თანამდებობიდან სამეთვალყურეო საბჭოს თავმჯდომარისთვის სულ ცოტა 4 კვირით ადრე გაკეთებული წინასწარი წერილობითი შეტყობინების საფუძველზე (სამეთვალყურეო საბჭოს თავმჯდომარე თავისუფლდება სამეთვალყურეო საბჭოს თავმჯდომარის მოადგილისთვის ხოლო მოადგილის არყოფნის შემთხვევაში – სამეთვალყურეო საბჭოს წევრისმიერი წევრისთვის გაკეთებული წერილობითი შეტყობინების საფუძველზე) სამეთვალყურეო საბჭოს ახალი წევრი აირჩევა ძველი წევრის გათავისუფლებიდან/გამოწვევიდან არა უგვიანეს სამი თვის შემდეგ.
4. სამეთვალყურეო საბჭოს თავმჯდომარეს საბჭოს წევრები ირჩევენ თავისი შემადგენლობიდან. თავმჯდომარე (მისი არყოფნისას – მისი მოადგილე) იწვევს სხდომებს, განსაზღვრავს დღის წესრიგს. ოქმს ადგენს თავმჯდომარე ან სხდომის მდივანი.
5. სამეთვალყურეო საბჭოს სხდომები ტარდება კვარტალში ერთხელ მაინც. მოწვევა უნდა გაკეთდეს წერილობით, სულ ცოტა 8 დღით ადრე, სავარაუდო დღის წესრიგით. სამეთვალყურეო საბჭოს წევრები შეიძლება სხვა წევრებით იქნენ წარმოდგენილი, მხოლოდ ერთი წევრი – ერთი სხვა წევრით.
6. სამეთვალყურეო საბჭო გადაწყვეტილებას უნარიანია, თუ მას ესწრება წევრთა სულ მცირე ნახევარი. თუ სამეთვალყურეო საბჭო არ არის გადაწყვეტილებას უნარიანი, თავმჯდომარეს (მისი არყოფნისას – მის მოადგილეს) შეუძლია არა უგვიანეს 8 დღისა მოიწვიოს ახალი სხდომა, რომელიც გადაწყვეტილებას უნარიანი იქნება, თუ მას ესწრება წევრთა არანაკლებ 25%-ისა. თუ სამეთვალყურეო საბჭო კვლავ არ არის გადაწყვეტილებას უნარიანი, მაშინ სამეთვალყურეო საბჭოს უწყდება უფლებამოსილება და თავმჯდომარე (მისი არყოფნისას – მისი მოადგილე) იწვევს საერთო კრებას. სამეთვალყურეო საბჭოზე გადაწყვეტილებები მიიღება სხდომაზე დამსწრე და/ან წარმოდგენილ წევრთა უბრალო უმრავლესობით.
7. სამეთვალყურეო საბჭოს წევრთა თანხმობით დასაშვებია სამეთვალყურეო საბჭოს სხდომის ჩატარება სატელეფონო ან ვიდეო კონფერენციის მეშვეობით.
8. სამეთვალყურეო საბჭოს ამოცანები და კომპეტენცია მოიცავს შემდეგს:
 - ა) ღირეფქტორის საქმიანობის კონტროლს;
 - ბ) საზოგადოებასთან დაკავშირებული პოლიტიკის და ნებისმიერი სხვა მარეგულირებელი დოკუმენტის დამტკიცება და შესწორება;
 - გ) საზოგადოების საქმიანობის ანგარიშის (შვილობილ და მეკავშირე საწარმოებთან ურთიერთობის ჩათვლით) მოთხოვნა ღირეფქტორისაგან და შიდა აუდიტის სამსახურისა და დამოუკიდებელი შემოწმების შესახებ ინფორმაციის განხილვა;
 - დ) კომპანიის საბუღალტრო წიგნებისა და მისი ქონებრივი ობიექტების შემოწმება, მათ შორის, კომპანიის სალარო და ფასიანი ქაღალდებისა და საქონლის მდგომარეობის შემოწმება პირადად, ცალკეული წევრების ან მოწვეული ექსპერტების მეშვეობით;
 - ე) წლიურ ანგარიშების შემოწმება, მოგების განაწილების წინადადების შესწავლა და შესაბამისი მოხსენების წარდგენა საერთო კრებისთვის; ცნობაში სამეთვალყურეო საბჭო მიუთითებს, თუ როგორ და რა მოცულობით შეამოწმა მან საზოგადოების ხელმძღვანელობა გასული სამეურნეო წლის განმავლობაში, წლიური ანგარიშისა და საქმიანობის ანგარიშის რომელი ნაწილი შეამოწმა და გამოიწვია თუ არა ამ შემოწმებებმა საბოლოო შედეგების არსებითი ცვლილებები;

ვ) განახორციელოს საქართველოს კანონით მინიჭებული უფლებამოსილება.

9. სამეთვალყურეო საბჭოს თავმჯდომარე უფლებამოსილია მოითხოვოს და დაუყოვნებლივ მიიღოს საზოგადოების საქმიანობასთან დაკავშირებით ნებისმიერი დოკუმენტაცია და ინფორმაცია.

10. საზოგადოების სამეთვალყურეო საბჭოს წევრი ვალდებულია კეთილსინდისიერად განახორციელოს საზოგადოების ხელმძღვანელი ორგანოს/პირების საქმიანობის კონტროლი და კანონით გათვალისწინებულ შემთხვევებში წარმოადგინოს საზოგადოება ხელმძღვანელ ორგანოსთან/პირებთან ურთიერთობებში.

9.2. დირექტორი

1. საზოგადოებას ხელმძღვანელობს და მესამე პირებთან ურთიერთობაში წარმოადგენს დირექტორი.

2. დირექტორი ვალდებულია ხელმძღვანელობითი და წარმომადგენლობითი უფლებამოსილებების განხორციელებისას პარტნიორთა გადანაცვტილებას დაემორჩილოს.

3. დირექტორი თავის უფლებამოსილებას ახორციელებს ამ წესდებისა და „მენარმეთა შესახებ“ საქართველოს კანონით დადგენილი წესითა და ფარგლებში.

4. დირექტორის გარდაცვალების, თანამდებობიდან გადადგომის ან მისი უფლებამოსილების სხვაგვარად შეწყვეტის შემთხვევაში პარტნიორებმა ახალი დირექტორი 1 თვის ვადაში უნდა აირჩიონ.

5. დირექტორს თანამდებობაზე ნიშნავს და თანამდებობიდან ათავისუფლებს საერთო კრება.

6. დირექტორი თანამდებობაზე ინიშნება უვადოდ, მის განთავისუფლებამდე.

7. საერთო კრება უფლებამოსილია ნებისმიერ დროს გაათავისუფლოს თანამდებობიდან დირექტორი შესაბამისი საფუძვლის მითითების გარეშე. ნებისმიერი შეთანხმება, რომელიც ამ დებულებას ეწინააღმდეგება, ბათილია.

8. დირექტორის უფლება აქვს გადადგეს თანამდებობიდან. ასეთ შემთხვევაში დირექტორი ვალდებულია დაიცვას საზოგადოებასთან დადებული სასამსახურო ხელშეკრულებითა და მოქმედი კანონმდებლობით განსაზღვრული მოთხოვნები და პროცედურები.

მუხლი 10. საზოგადოების ხელმძღვანელობის ზოგადი პრინციპები

1. დირექტორი ვალდებულია საზოგადოების საქმეებს გაუძღვეს მართლზომიერად და კეთილსინდისიერი ხელმძღვანელის გულისხმიერებით, კერძოდ, მასზე ისე ზრუნავდეს, როგორც ანალოგიურ პირობებში უნდა ეზრუნა/ემოქმედა ჩვეულებრივ, სალად მოაზროვნე პირს, იმ რწმენით, რომ მისი ეს მოქმედება საზოგადოებისთვის ეკონომიკურად ყველაზე ხელსაყრელია.

2. დირექტორი საზოგადოების წინაშე პასუხს აგებს კეთილსინდისიერების მოვალეობის ბრალეული შეუსრულებლობით მიყენებული ზიანისთვის. დაუშვებელია შეიზღუდოს დირექტორის პასუხისმგებლობა ამ მოვალეობის განზრახ შეუსრულებლობისთვის.

3. დირექტორი თავისუფლდება პასუხისმგებლობისგან, თუ იგი თავისი ქმედებით საერთო კრების გადანაცვტილებას ასრულებს, გარდა იმ შემთხვევისა, როდესაც მან საერთო კრების გადანაცვტილების მიღებას ხელი შეუწყო არასწორი ინფორმაციის მიწოდებით ან იცოდა, რომ ამ გადანაცვტილების მიღება ზიანს გამოიწვევდა, მაგრამ ამის თაობაზე არ შეატყობინა საერთო კრებას გადანაცვტილების მიღებამდე ან აღსრულებამდე.

4. დირექტორს არ აქვს უფლება, საზოგადოების თანხმობის გარეშე განახორციელოს იგივე საქმიანობა, რომელსაც ახორციელებს საზოგადოება, ან იყოს იმავე სფეროში მოქმედი სხვა სამეწარმეო საზოგადოების ხელმძღვანელი პირი. დირექტორთან დადებული სასამსახურო ხელშეკრულებით აღნიშნული ვალდებულება შეიძლება ძალაში დარჩეს მისი თანამდებობიდან გათავისუფლების შემდეგაც, მაგრამ არაუმეტეს 3 წლის ვადით. ამ ვალდებულების დარღვევისთვის შესაძლებელია გათვალისწინებულ იქნეს კომპენსაცია. მისი ოდენობა და გადახდის წესი განისაზღვრება სასამსახურო ხელშეკრულებით ან მხარეთა დამატებითი შეთანხმებით. კონკურენციის აკრძალვის წესის დარღვევის შემთხვევაში საზოგადოებას შეუძლია დამრღვევს, მისთვის მიყენებული ზიანისთვის კომპენსაციასთან ერთად, შეთანხმებული პირგასამტეხლოს გადახდაც მოსთხოვოს. მას ასევე შეუძლია დამრღვევს კომპენსაციის ნაცვლად მოსთხოვოს საკუთარი ან მესამე პირის სახელით დადებული გარიგებიდან დამრღვევის მიერ მიღებული სარგებლის საზოგადოებისთვის გადაცემა ან ამგვარი სარგებლის მიღების უფლების დათმობა. ამ უფლების გამოყენება შეუძლია დირექტორს, ხოლო კანონით გათვალისწინებულ შემთხვევაში – თითოეულ პარტნიორს.

5. საზოგადოებაში ამ მუხლის მე-8 პუნქტით გათვალისწინებული საქმიანობის განხორციელებაზე თანხმობის გაცემა შეუძლია საერთო კრებას. აღნიშნული თანხმობა შეიძლება გაიცეს როგორც ზოგადად, ისე კონკრეტულ საქმიანობაზე, გარიგების სახესა და სამენარმეო საზოგადოებაში მონაწილეობაზე. თანხმობის გაცემაზე დაუსაბუთებლად უარის თქმა დაუშვებელია. საქმიანობის განხორციელებაზე თანხმობა გაცემულად მიიჩნევა, თუ საზოგადოების დირექტორის დანიშვნისას პარტნიორებმა იცოდნენ, რომ საზოგადოების დირექტორი ახორციელებდა აღნიშნულ საქმიანობას, მაგრამ მისთვის ამ საქმიანობის შეწყვეტა არ მოუთხოვიათ.

6. დირექტორს არ აქვს უფლება საზოგადოების წინასწარი თანხმობის გარეშე, პირადი სარგებლის ან, ამ საზოგადოების გარდა, სხვა პირთა მიერ სარგებლის მისაღებად ისარგებლოს საზოგადოების საქმიანობის სფეროსთან დაკავშირებული საქმიანი შესაძლებლობით, რომელიც მისთვის ხელმისაწვდომი გახდა მოვალეობის შესრულებისას ან თანამდებობრივი მდგომარეობიდან გამომდინარე და რომელიც, გონივრული თვალსაზრისით, საზოგადოების ინტერესის საგანი შეიძლება ყოფილიყო. საზოგადოების წინასწარი თანხმობის მიღება საჭირო არ არის, თუ საერთო კრებამ უკვე იმსჯელა აღნიშნულ შესაძლებლობაზე და უარი თქვა მის გამოყენებაზე. ეს ვალდებულება ძალაში რჩება დირექტორის თანამდებობიდან გათავისუფლებიდან არაუმეტეს 3 წლისა. დირექტორთან დადებული სასამსახურო ხელშეკრულებით შეიძლება უფრო მცირე ვადა დადგინდეს. საქმიანი შესაძლებლობით სარგებლობაზე წინასწარი თანხმობის გაცემა შეუძლია საერთო კრებას.

7. საქმიანი შესაძლებლობის მითვისების აკრძალვის წესის დარღვევის შემთხვევაში საზოგადოებას შეუძლია დამრღვევს მოსთხოვოს ამ დარღვევით საზოგადოებისთვის მიყენებული ზიანის (მათ შორის, მიუღებელი შემოსავლის) ანაზღაურება. საზოგადოებას შეუძლია დამრღვევს ზიანის ანაზღაურების ნაცვლად მოსთხოვოს საკუთარი ან მესამე პირის სახელით დადებული გარიგებიდან დამრღვევის მიერ მიღებული სარგებლის საზოგადოებისთვის გადაცემა ან ამგვარი სარგებლის მიღების უფლების დათმობა. ამ მოთხოვნის უფლების გამოყენება შეუძლია დირექტორს, ხოლო კანონით გათვალისწინებულ შემთხვევაში – თითოეულ პარტნიორს.

8. საერთო კრებას შეუძლია მიიღოს გადაწყვეტილება დირექტორის მიერ საზოგადოებისთვის მიყენებული ზიანის ანაზღაურების მოთხოვნაზე უარის თქმის ან მასთან მორიგების თაობაზე, თუ ამ გადაწყვეტილებას არ შეეწინააღმდეგებიან ხმათა, სულ მცირე, 10 პროცენტის მესაკუთრე პარტნიორები. დირექტორი ასევე თავისუფლდება საზოგადოებისთვის მიყენებული ზიანის ანაზღაურების ვალდებულებისგან, თუ იგი თავისი ქმედებით საერთო კრების გადაწყვეტილებას ასრულებდა. დირექტორს, რომლის სამენარმეო საზოგადოებისთვის მიყენებული ზიანის ანაზღაურების ვალდებულებისგან გათავისუფლების საკითხიც განიხილება, ეკრძალება ამ საკითხზე კენჭისყრისას ხმის მიცემა.

9. დირექტორთან დადებული სასამსახურო ხელშეკრულებით არ შეიძლება გამოირიცხოს დირექტორის პასუხისმგებლობა მის მიერ ვალდებულების განზრახ შესრულებლობით საზოგადოებისთვის მიყენებული ზიანისთვის.

მუხლი 11. საზოგადოების დაშლა და რეორგანიზაცია

1. საზოგადოების დაშლის საფუძვლებია:

ა) საზოგადოების პარტნიორთა გადაწყვეტილება საზოგადოების დაშლის შესახებ;

ბ) საზოგადოების პარტნიორთა სავალდებულო რაოდენობასთან დაკავშირებით კანონით დადგენილი მოთხოვნის დარღვევა;

გ) იურიდიული პირის ლიკვიდაციის შესახებ სისხლის სამართლის საქმეზე სასამართლოს განაჩენის კანონიერ ძალაში შესვლა;

დ) საზოგადოების პარტნიორის განცხადების/სარჩელის საფუძველზე სასამართლოს მიერ მიღებული გადაწყვეტილება საზოგადოების დაშლის შესახებ.

2. საზოგადოების დაშლა ხორციელდება „მენარმეთა შესახებ“ საქართველოს კანონით დადგენილი წესით.

3. დასაშვებია, საზოგადოების რეორგანიზაცია განხორციელდეს შემდეგი ფორმებით:

ა) საზოგადოების გარდაქმნა;

ბ) სხვა სამენარმეო საზოგადოებასთან შერწყმა (მიერთება ან გაერთიანება);

გ) საზოგადოების გაყოფა (დაყოფა ან გამოყოფა).

4. საზოგადოების რეორგანიზაცია ხორციელდება „მენარმეთა შესახებ“ საქართველოს კანონით დადგენილი წესით.
5. საზოგადოების დაშლისა და რეორგანიზაციის პროცესში უნდა იქნეს გათვალისწინებული „მენარმეთა შესახებ“ საქართველოს კანონით განსაზღვრული პარტნიორთა უფლებები და მოვალეობები.
6. საზოგადოების ლიკვიდაციის პროცესს ხელმძღვანელობს დირექტორი, რომელიც ინიშნება ლიკვიდატორად, გარდა იმ შემთხვევისა, როდესაც საერთო კრების გადაწყვეტილება ლიკვიდატორებად სხვა პირების დანიშვნას ითვალისწინებს.
7. ლიკვიდატორებმა მარეგისტრირებელი ორგანოს ერთიანი ელექტრონული პორტალის სუბიექტის ავტორიზებულ გვერდზე (ელექტრონულ მისამართზე) ან თავიანთ ვებგვერდზე განცხადების გამოქვეყნებით დაუყოვნებლივ უნდა შეატყობინონ კრედიტორებს საზოგადოების დაშლის შესახებ და უნდა მოინვიონ ისინი მოთხოვნების განსაცხადებლად.
8. ლიკვიდატორი უნდა აკმაყოფილებდეს სამენარმეო საზოგადოების ხელმძღვანელი პირისთვის წაყენებულ მოთხოვნებს.
9. საერთო კრება უფლებამოსილია ნებისმიერ მომენტში გაათავისუფლოს ლიკვიდატორი, გარდა იმ შემთხვევისა, როდესაც ლიკვიდატორი სასამართლოს მიერ არის დანიშნული.
10. დირექტორი ვალდებულია მარეგისტრირებელ ორგანოს მიმართოს განცხადებით ლიკვიდატორების მენარმეთა და არასამენარმეო (არაკომერციული) იურიდიული პირების რეესტრში რეგისტრაციის მიზნით. მარეგისტრირებელი ორგანოსთვის ამ განცხადებით მიმართვის უფლება აქვს პარტნიორს. აღნიშნულ განცხადებას უნდა ერთოდეს კანონმდებლობის შესაბამისად დამოწმებული დოკუმენტი ლიკვიდატორის დანიშვნის ან გათავისუფლების და მისი უფლებამოსილების შესახებ, ლიკვიდატორის ხელმოწერის ნიმუში, ხოლო თუ ლიკვიდატორი დირექტორი არ არის – აგრეთვე ლიკვიდატორის თანხმობა. ლიკვიდატორის ან მისი უფლებამოსილების ყოველი ცვლილებისას მენარმეთა და არასამენარმეო (არაკომერციული) იურიდიული პირების რეესტრში ცვლილების რეგისტრაციის მიზნით განცხადებას წარადგენენ ლიკვიდატორები.
11. ლიკვიდაციასთან დაკავშირებული საქმიანობის განხორციელებისას ლიკვიდატორები სარგებლობენ იმავე უფლებებით და ეკისრებათ იგივე მოვალეობები, რომლებიც აქვთ ხელმძღვანელ პირებს, გარდა კონკურენციის აკრძალვისა. ლიკვიდატორებზე ვრცელდება განსაკუთრებულ ვითარებაში ზრუნვის მოვალეობა. ლიკვიდატორები ვალდებული არიან დაასრულონ მიმდინარე საქმეები, მოახდინონ აქტივების რეალიზაცია და შეასრულონ საზოგადოების ვალდებულებები. ლიკვიდატორებს უფლება აქვთ, დადონ ახალი გარიგებები, თუ ეს ლიკვიდაციისთვის აუცილებელია.
12. ლიკვიდაციის პროცესში მყოფი საზოგადოების ქონება ნაწილდება პარტნიორთა შორის, მათ წილებთან დაკავშირებული უფლებების შესაბამისად.
13. თუ შენატანები სრულად არ იყო განხორციელებული, თავდაპირველად ბრუნდება შენატანები ან მათი ღირებულება, ხოლო ნარჩენი ქონება ნაწილდება პარტნიორთა წილებთან დაკავშირებული უფლებების შესაბამისად.
14. ქონება შეიძლება განაწილდეს მხოლოდ საზოგადოების ვალდებულებების დაფარვიდან და საზოგადოების დაშლის შესახებ განცხადების გამოქვეყნებიდან 5 თვის შემდეგ. სასამართლოს გადაწყვეტილების საფუძველზე ქონება შეიძლება განაწილდეს საზოგადოების დაშლის შესახებ განცხადების გამოქვეყნებიდან 3 თვის შემდეგ, თუ არსებობს დამოუკიდებელი აუდიტორის დასკვნა, რომ ყველა ვალდებულება შესრულებულია და, არსებული ვითარებიდან გამომდინარე, ქონების განაწილება საფრთხეს არ უქმნის მესამე პირთა უფლებებს.
15. თუ ცნობილი კრედიტორები არ განაცხადებენ თავიანთი მოთხოვნების შესახებ, ქონება შეიძლება განაწილდეს მხოლოდ მათი მოთხოვნების შესაბამისი ღირებულების სასამართლოს ან ნოტარიუსის სადეპოზიტო ანგარიშზე განთავსების შემდეგ.
16. თუ ვალდებულება სადავოა ან მისი შესრულების ვადა არ დამდგარა, ქონება შეიძლება მხოლოდ იმ შემთხვევაში განაწილდეს, თუკი კრედიტორს წარედგინება ვალდებულების ტოლფასი უზრუნველყოფა.
17. დაშლილი საზოგადოების მიერ არსებობის გაგრძელების შესახებ გადაწყვეტილებას მარეგისტრირებელ ორგანოს მენარმეთა და არასამენარმეო (არაკომერციული) იურიდიული პირების რეესტრში რეგისტრაციისთვის ლიკვიდატორები წარუდგენენ. მათვე ეკისრებათ იმის დადასტურების ვალდებულება, რომ საზოგადოების ქონების პარტნიორთა შორის განაწილება დაწყებული არ არის.

18. დაშლილი საზოგადოების მიერ არსებობის გავრცელების შესახებ გადაწყვეტილება ძალაში შედის მხოლოდ მენარმეთა და არასამენარმეთო (არაკომეციული) იურიდიული პირების რეესტრში მისი რეგისტრაციის შემდეგ.

19. საზოგადოების ქონების სრულად განაწილება იწვევს საწარმოს ლიკვიდაციის დასრულებას. საწარმოს ლიკვიდაციის პროცესი უნდა დასრულდეს საწარმოს ლიკვიდაციის პროცესის დაწყების რეგისტრაციიდან არაუგვიანეს 4 თვისა, ხოლო საგადასახადო შემონაშნების ჩატარების ვადის გავრცელების შემთხვევაში – საგადასახადო შემონაშნების დასრულების შესახებ ინფორმაციის მარეგისტრირებელი ორგანოს მიერ მიღებიდან არაუგვიანეს 1 თვისა.

20. ლიკვიდატორებმა მარეგისტრირებელ ორგანოს უნდა მიმართონ ლიკვიდაციის რეგისტრაციის მოთხოვნით, რომლის საფუძველზედაც მარეგისტრირებელი ორგანო გააუქმებს საზოგადოების რეგისტრაციას.

მუხლი 12. ბუღალტრული აღრიცხვა, ანგარიშგება და აუდიტი

1. საზოგადოების ბუღალტრული აღრიცხვა წარმოებს, ანგარიშგების მომზადება და წარდგენა ხდება და აუდიტი ხორციელდება „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის შესაბამისად.

2. აუდიტის განხორციელებაში საზოგადოების პარტნიორებისა და მმართველობითი ორგანოს წევრების მონაწილეობამ საფრთხე არ უნდა შეუქმნას აუდიტორის დამოუკიდებლობასა და ობიექტურობას.

3. საზოგადოების ღირეფტორი პასუხისმგებელია „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის შესაბამისად ანგარიშგების მომზადებისა და წარდგენისთვის.

მუხლი 13. დასკვნითი დებულებები

1. ამ წესდებაში ცვლილების შეტანა საქართველოს კანონმდებლობით დადგენილი წესით, პარტნიორის გადაწყვეტილების საფუძველზე.

2. ამ წესდების რომელიმე დებულების ბათილად ცნობა გავლენას არ მოახდენს წესდების სხვა დებულებების ნამდვილობაზე.

პარტნიორები:

შპს "სილქ როუდ გრუპ ჰოლდინგ" (საიდენტიფიკაციო კოდი 404579354)

წარმოდგენილი ღირეფტორის ვასილ კენკიშვილის (პირადი #01003000807) მიერ

.....



კომპანია „ამფილონ ჰოლდინგ (მალტა) ლიმიტედ“ (მალტა) (რეგისტრაციის # C96531)

წარმოდგენილი ღირეფტორის ვასილ კენკიშვილის (პირადი #01003000807) მიერ

.....

